



Projet promovût di 'La Vôs dai Furlans' e 'ARLeF'

MAMAN

la VÔS dai FURLANS

Lu saveviso che...?



Il sghirat al è un roseadôr che al vîf tai boscs, ma che si viôt simpri di plui ancje in citât, tai parcs e tai zardins. Al è svelto, cuntune une code lungjone e fofe che lu ten in ecilibri intant che al salte e lu scjalde cuant che al polse. Par sconfondi i siei predadôrs al scjampe vie a zigzag. Prime dal Invier al ingrume scortis di nolis, pomis e glants tai çondars dai arbui o dentri di busis par tiere.



La cjançon de setemane



"Anin, anin a nolis, cumò che al duar il lôf lu çaparìn pe code, lu menarìn tal çjôt!..."

Cjantin insieme "Anin, anin a nolis" su



Cumò fâs tu!

Cjale ben: tropis nolis e cjastinis rivistu a cjatâ in cheste imagjin?



Piture il dissen



Ridi a plene panze!

Ce i contie une nole a un sghirat? Nuie, lis nolis no fevelin!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. La Lune e à voie di fâti cualchi dispriet e cussi, biel che tu ti gjoldis un moment di pâs, jê ti fâs un çopedon.



Taur. Tu âs pôre che i bêçs no ti bastin, ma se tu stâs daûr dal to program no tu âs di vê pôre di nuie.



Zimui. Sta plui dongje a fradis e amis parcè che a podressin dâti il consei just.



Gjambar. Tu âs tacât l'an plen di fuerce e voie di rivâ, lis stelîs a son de tô bande, ce vuelistu miôr di cussi?



Leon. Tu vuelis gjolditi une vite comude e plene, e par vêle tu fasis tancj sfuarçs, atent però a no lassâ indaûr la famee.



Vergjine. Tu âs di frontâ un biel dubi: restâ leât ae vite di ogni dì o fâ un biel viaç? In duç i doi i câs, tu risolvârâs cuntun truc.



Balance. Alc di chei che ti son intor no ti convinc, tu fasis ben a fâ cualchi pas indaûr e a no cjapâ nissun impegn.



Sgarpion. Ti è vignude tal çjâf une persone che no tu viodis di un pieç, tu fasis ben a clamâle.



Sagjitari. Intes discussions in famee tu âs di vê un grum di pazienze e no tu âs di rabiâti. Cussi dut si sclaris miôr.



Bec di mont. Tal lavôr tu rivis a meti in pratiche lis tôs cognossincis e i coleghis ti disin graciis.



Agarûl. Tu sês plui viert cu la int e chest ti permet di cognossi personis gnovis, cualchidune e pues diventâ tô amie.



Pes. La energjie di chei dis achi ti puarte a fâ une vore di sport, ma une energjie compagne no tu le âs intai rapuarts cun chei altris.

